



Cyngor Castell-nedd Port Talbot  
Neath Port Talbot Council

Dyddiad/ Date 12fed Mehefin 2020  
Rhif Ffôn/ Direct Line 01639 763298  
Ebost/ Email a.evans@npt.gov.uk  
Cyswllt/ Contact  
Eich cyf / Your ref  
Ein cyf/ Our ref AE/jg

Annwyl Riant / Gofalydd,

Yr wythnos diwethaf cyhoeddodd y Gweinidog Addysg yng Nghymru y bydd ysgolion yn ailagor yn raddol ar gyfer trefniadau dod i'r ysgol a dal lan.

Bydd hyn yn rhoi cyfle i blant a phobl ifanc fynychu ysgolion ar gyfer slotiau a ddyrannwyd er mwyn iddynt gael eu cefnogi yn eu lles a'u dysgu. Bydd y trefniadau dod i'r ysgol a dal lan yn amrywio o ysgol i ysgol, dylent ganolbwyntio ar ymateb i anghenion iechyd a lles emosiynol disgyblion ac ar sicrhau bod parhad rhwng cefnogaeth yn yr ysgol a dysgu gartref.

Ar y pwynt hwn, mae angen i mi ddiolch i chi, fel rhieni, am y gefnogaeth addysgol rydych chi wedi bod yn ei darparu dros y deuddeg wythnos ddiwethaf a'r ffordd rydych chi wedi meithrin partneriaeth egniol gydag ysgolion. Mae'n annhebygol y bydd ysgolion yn dychwelyd i'r ffordd y cawsant eu gweithredu cyn y cloi am gryn amser; mae'n anodd gosod amserlen ar hyn. Mae angen i ni edrych ar y trefniadau dod i'r ysgol a dal lan fel y camau cyntaf tuag at ysbrydoli a chyffroi disgyblion ynglŷn â dysgu unwaith eto.

---

**Addysg, Hamdden a Dysgu Gydol Oes**  
**Cyfarwyddwr Addysg, Hamdden a Dysgu Gydol Oes**  
Y Ganolfan Ddinesig, Port Talbot, SA13 1PJ  
Ffôn 01639 763393

**Education, Leisure & Lifelong Learning**  
**Director of Education, Leisure & Long Learning**  
Civic Centre, Port Talbot, SA13 1PJ  
Phone 01639 763393

[www.npt.gov.uk](http://www.npt.gov.uk)

Croesewir gohebiaeth yn y Gymraeg a byddwn yn ymdrin â gohebiaeth Gymraeg a Saesneg i'r un safonau ac amserlenni.  
We welcome correspondence in Welsh and will deal with Welsh and English correspondence to the same standards and timescales.

2.

Mae staff ein hysgolion wedi bod yn wych yn y ffordd maen nhw wedi dal ati i ddarparu cyfleoedd dysgu. Mae'n amlwg o brofiad diweddar nad yw dysgu'n gwybod unrhyw ffiniau ac na fydd yn cael ei gloi i lawr. Fodd bynnag, bydd y cyfyngiadau a roddwyd ar ysgolion yn cael eu codi'n ofalus ac yn bwyllog . Bydd pob ysgol unigol yn gwneud penderfyniadau ar sut y byddant yn agor a pha grwpiau oedran fydd yn cael eu blaenoriaethu. Disgwylwn i'r broses hon fod yn ddatblygiadol ac wrth i ysgolion a'u cymunedau fagu mwy o hyder a rhythm byddant yn symud ymlaen tuag at dderbyn hyd at draean y disgyblion ar unrhyw un adeg, er y gall gymryd amser i gyrraedd y lefel hon o weithredu.

Rydym yn ymwybodol y bydd pryder ac ansicrwydd. Bydd ysgolion yn cysylltu â rhieni dros yr wythnosau nesaf i'w hysbysu o'u cynlluniau ailagor ac i roi sicrwydd lle mae angen.

Mae staff yn paratoi ysgolion i sicrhau bod eu gweithrediad yn cydymffurfio â chanllawiau lleol a chenedlaethol a sicrhau eu bod mor ddiogel â phosibl i ddisgyblion a staff.

Disgwylwn i ysgolion gysylltu â disgyblion a darparu llythyrau iddynt yn eu croesawu i'w hamgylcheddau newydd, gan eu paratoi i wneud y gorau o'u hamser yn yr ysgol ac egluro sut y bydd eu profiadau dysgu yn cael eu mireinio.

Byddwn yn gofyn i ysgolion sicrhau bod disgyblion a rhieni yn deall cyn gynted â phosibl sut mae amgylcheddau, gweithdrefnau a gweithrediad wedi'u haddasu er mwyn hwyluso, mor ddiogel â phosibl, dychweliad disgyblion i ysgolion. Bydd y trefniadau hyn yn cael eu hadolygu'n rheolaidd a byddant yn cael eu newid lle bo angen, gan roi diogelwch disgyblion a staff wrth wraidd y broses.

Bydd darpariaeth gofal plant o fewn hýb yn dod i ben ar 19 Mehefin ac yn trosglwyddo i ysgolion, lle darperir darpariaeth gofal ar gyfer plant gweithwyr critigol a dysgwyr bregus tan ddiwedd y tymor.

Oherwydd y rheoliadau a osodwyd gan Lywodraeth Cymru ar bellhau cymdeithasol, bydd ein darpariaeth cludiant cartref i ysgol yn gyfyngedig iawn. Anogir pob rhiant i gludo eu plant eu hunain i'r ysgol. Byddwn yn blaenoriaethu trefniadau cludiant ar gyfer disgyblion sydd â hawl i gludiant yn seiliedig ar eu hasesiad AAA a disgyblion sy'n mynychu darpariaeth blwyddyn 7,8,9,10 a 12.

Bydd eich ysgol yn eich hysbysu o'r trefniadau hyn yn fwy manwl.

3.

Byddwn yn cefnogi ysgolion i fynd at eu trefniadau dod i'r ysgol a dal lan gyda gofal a hyder, gyda dycnwch a manylder a chyda sicrwydd ac optimistiaeth.

Rwy'n eich gwahodd i fod yn rhan o'r broses hon er mwyn i ni allu cymryd y camau hyn ymlaen gyda'n gilydd, gan gynnal ein plant a'u cefnogi i barhau i ddysgu ac i lwyddo.

Yr eiddoch yn gywir,

A handwritten signature in black ink that reads "Aled Evans". The signature is written in a cursive, flowing style.

***Cyfarwyddwr Addysg, Hamdden a Dysgu Gydol Oes***